

Ngodwaasimidna Odaapinagewin Agaa Zhaabwiid?

Gnimaa agwa gdaa miigse awii debnaman dibagewin. Weweni gindan maanda dibaajimowin.

Bagidnigewin agii ganabenjigaade owi Kitchi Gimaa Gamig Canada miinwaa aanin agaa zhaabwiwaad owi Ngodwaasimidna Odaapinagewin maagwemgak dibagewin agii naajichigaadeg inaadziwin nisidwinaagijigan gewe aanin agaa zhaabwiijig.

WEGNESH E'DAGOKAASAD?

Maanda dibagewin dagokaazwog bemaadzijig e'yaawijig:

- Agaa zagakibiigaazjig anishinaabeg (ezhi waawiinjigaadeg owi *Anishinaabe Naaknigewin*) miinwaa Eshkiimewig *miinwaa age bemaadzijig e'miigsejig* awii zagakbiigaazwaad Anishinabek aawiwaad; miinwaa
- Agaa bamigaazwaad endaawaad maampii Canada Manidoo-giizis 1, 1951 apiinish Bibooni-giizis 31, 1991 miinwaa agii sigaazwaad awii ganwenjigaazwaad gaawii-anishinaabe yaawisiwaad maage agaa aapaji daapnigwaad egitziimngowaad.

Gewe nekweshkmowaad nendowendaagwag maampii shpiming ezhibiigaadeg adaa dagoyaawog zhiwe dibagewin aawiwaad "Waajii-ejig Dibagewin". Kina agwa Waajii-ejig Dibagewin, giishpin goweta gewe nendowenzijig awii wiijii-ewaad, e'miigsejig awii dibamaagaazwaad.

Miinwaa aanke, kina Waajii-ejig Dibagewin, goweta gewe nendowendiziwaad awii wiijii-ewaad, ada majiginigaazwog zhiwe ezhising owi nanaa'ichigewin miinwaa e'dagosin zhiwe nanaai-chigewin.

WEGNESH OWI NANAA'ICHIGEWIN MAAGWEMGAK?

- (a) Dibagewin ada temgad gewe kina Waajii-ejig Dibagewin agaa daapnigaazjig maage agaa zhichigaasjig aapaji gimaa naagdowenjiganag miinwaa yaa-aabi agaa bimaadziwaad Namebine-giizis 20, 2009, miinwaa
- (b) Aasgaabwitaagewin ada zhichigaade awii wiikwajichigaadeg aansijigewin miinwaa bongidetaadiwin. Owi naangzhewin miinwaa bimaaknigewin owi aasgaabwitaagewin ada waawiinjigaade nikaazan ginoongaazwaad agaa zhaabwiijig maampii kina gichi kiing. Owi enakiwaad gewe aasgaabwitaagewin gnimaa adaa dagosin miigweng awii debnigaadeg noojimowin/mina-yaawin, manaajitowin miinwaa kinomaage nankiiwin kina odenwinan miinwaa bemaadzijig agaa wiisgikaagwaad owi Ngodwaasimidna Odaapinagewin – gewe age dagokaazwaad zaagiji-ling owi agaa waawiinjigaazwaad "Waajii-ejig."

AANIISH AGEZHI DEBNAMAA ZHOONYAA?

Awii gagwedwewin znoonyaa, aabdeg gwii moshkinebii-aan Gagwedwewin Mazinigan miinwaa niindaawen odi gagwedwewin nakii-gamigoon jibwaa **Manoominike-giizis 30, 2019**.

Mazinaakziganan owi Gagwedwewin Mazinigan temgadoon odi sixtiesscoopsettlement.info.

Gaawii memkaach gdaa dibamowaasii giigidonini awii moshkinebiiman owi mazinigan. Owa nyaagdowenjiged aga naadmaag awii moshkinebiiman owi mazinigan miinwaa yaawog giigidoninwog wenpash age ginondwaa.

Miinwaa age, giishpin ayaaniziwan mazinigan owi e'niwendaagwag kiinsing maage kamig binoojiin ganwenjige izhichigewin zhibiigaadeg gegeti agii daapinogowin maage zhibiigan ezhi gaabwi-in, gdaa moshkinebii-aan agwa owi Gagwedwewin Mazinigan. Owa nyaagdowenjiged adaa zhitoon nendowendaagwag zgakbiigewinan ndakenjigewin ezhi dowendaagwog.

AANIISH MINIK ZHOONYAA AGE DEBNAMAA?

Gdo dibamaagewin ada dabenjigaade minik e'Miigsejig Waajii-ejig Dibagewin e'niindaawewaad gagwedwewin owi nanaa'ichigewin. Owi dibagewin megwaach adaa aawan \$25,000 apiinish \$50,000.

Newen e'dagobiigaadegin dibaachigaadenon zhiwe nanaa'ichigewin bezhigwendamowin. Nasaabibiigan owi nanaa'ichigewin bezhigwendamowin temgad odi sixtiesscoopsettlement.info.

AANIISH AGIISHPIN DOWENDZIWAN AWII DAGOKAAZYAN OWI NANAA'ICHIGEWIN?

Giishpin dowendaman awii bwaa dagokaazyin owi nanaa'ichigewin, aabdeg gwii bimon gdinoziwin zhiwe waajii-ejig dikongewin jibwaa **Binaakwe-giizis 31, 2018**.

Giispin bimowin gdo nooziwin, gaawii aga msenziin gego dibagewin owi nanaa'ichigewin, miinwaa gdo gagwedwewin owa Canada owi Ngodwaasimidna Odaapinagewin gaawii ada bagidnigaadesno. Nasaabibiigan gdo Bimowin Gdinoziwin Mazinigan temgad odi sixtiesscoopsettlement.info

Giishpin agii maajtaanin onashowe nankiiwin owa Canada e'nowendaagwog owi Ngodwaasimidna Odaapinagewin miinwaa gaawi gdo ngaasdosiin Binaakwe-giizis 31, 2018 maage jibwaa owi apii, aga gnowaabmigo agii zaagjibiiwidizyin owi nanaa'ichigewin.

Kitchi piitendaagwod zhibiigan: Owi nanaa'ichigewin gaawii nashkwetosiin gego Waajii-ejig Dibagewin gshkiweziwin awii baminaashkan onashowe nankiiwin bimaaknad akiinsan maage kamigwan maage ado nakii-gamgoon owi wiiyawin, mazhiwe maage inendamowin baapanijigewin agaa zhiwebag zaam owi nji Ngodwaasimidna Odaapinagewin.

WOSHME NA GEGO GWII GIKENDAAN?

Gnowaamdan sixtiesscoopsettlement.info, giigidan1-(844)-287-4270, or waasamo mazinigan sixtiesscoop@collectiva.ca.

GDO GIKEN'MAAG ANA YAA-AABI AANIN BEMAADZIJIG AGAA ZHAABWIIJIG OWI NGODWAASIMIDNA ODAAPINAGEWIN?

Gda maadinamaagen maanda gikenjigewin gewe aanin bemaadzijig.